

Iaith Arholiad



Yr un geiriau a welir mewn sawl cwestiwn arholiad, felly mae'n bwysig eich bod yn eu deall er mwyn ateb yn gywir. Sylwch fod y rhan fwyaf o'r geiriau isod yn gorffen efo - WCH. Berfau 'gorchmynnol' ydyn nhw yn dweud wrthyhych beth i'w wneud.

A

- Angenrheidiol** - mae angen i chi 'sgwennu'r ffeithiau pwysicaf; cynnwys y pethau o bwys yn unig. (essential)
- Amcangyfrif** - cyfrif yn fras, y cyfrif agosaf, asesu'n fras. (estimate)
- Amcangyfrifwch** - mae angen i chi gyfrif yn fras, rhwch yr ateb i'r rhif agosaf. (estimate)
- Amlinellwch** - mae angen i chi ysgrifennu am y prif bwyntiau; does dim angen rhoi pob ffaith. (outline)
- Anfantais** - y pethau hynny sy'n gwneud drwg/niwed/sy'n golled. (disadvantage)
- Aseswch** - mae angen i chi bwyso a mesur - ceisiwch weld y da a'r drwg wrth ateb. (assess)
- Astudiwch** - mae angen i chi edrych yn fanwl ar ddarn ysgrifenedig, lun neu fap cyn 'sgwennu. (study)
- Atgoffir** - dod o 'atgoffa' sef y pethau i chi eu cofio. (remind)
- Awgrymwch** - mae angen i chi ddweud yr hyn rydych chi yn ei feddwl ydy'r ateb o gofio yr hyn a ddysgoch. (suggest)

B

- Brasamcanwch** - mae angen i chi roi'r syniad cyffredinol neu'r rhif agosaf. Does dim angen bod yn fanwl gywir, ond rhwch yr ateb sy'n weddol agos ati. (estimate)
- Brasluniwch** - mae angen i chi wneud darlun sy'n dangos y prif nodweddion heb fanylu'n ormodol; rhwch amlinelliad. (sketch)

C

Ceir - dod o 'cael' - yn cael.

Crynowch - mae angen i chi ddod â'r prif bwyntiau at ei gilydd a'u hysgrifennu hw'n fyr ac eglur. (summarize)

Cwblhewch y frawddeg - gorffen y frawddeg. (complete the sentence)

Cwblhewch - mae angen i chi orffen y frawddeg, y darn, y llun... (complete)

Cyfeiriwch - mae angen i chi ddefnyddio ffeithiau o ddarn darllen neu lun neu fap wrth ateb. (refer to)

Cyferbynnwch - mae angen i chi ddweud yn glir beth ydy'r gwahaniaethau. (Yr un ystyr â 'gwrthgyferbynnwch'.) (contrast)

Cyfrifwch - mae angen i chi gael yr ateb i broblem (mewn mathemateg fel arfer). (calculate)

Cynghorir - dod o 'cynghori' - rhoi arweiniad, dangos y ffordd. (advise)

Cymharwch - mae angen i chi sgwennu am y pethau sy'n debyg ac annhebyg. (compare)

Cymysgwyd - dod o 'cymysgu' - wedi drysu neu allan o drefn. (jumbled)

Cynhyrchwch - mae angen i chi wneud neu greu; llunio rhywbeth. (produce)

Cysylltir - dod o 'cysylltu' - uno, dod at ei gilydd. (join/link)

Cysylltwch - mae angen i chi ddod â phethau/ffeithiau at ei gilydd. (link)

CH

Chwaraeir - dod o 'chwarae' - rhywbeth sy'n cael ei chwarae. (play)

D

Dadansoddi - mae angen i chi ddangos y prif syniadau a dangos sut maen nhw'n cysylltu efo'i gilydd a dangos eu bod yn bwysig. (analyse)

Dangosir - dod o 'dangos' - yn cael ei ddangos /eu dangos. (shown)

- Dangoswch** - mae angen i chi ddangos; egluro yn eich ateb. (show)
- Darganfyddwch** - mae angen i chi ddod o hyd i'r ateb. (find)
- Datblygwch** - mae angen i chi ddweud mwy / ehangu mwy yn eich ateb. (develop)
- Datryswch** - mae angen i chi ddod o hyd i ateb i broblem. (solve)
- Defnyddir** - dod o 'defnyddio' yn cael ei /eu defnyddio. (used)
- Defnyddiwch** - mae angen i chi ddefnyddio rhyw wybodaeth. (use)
- Dehonglwch** - mae angen i chi egluro yn eich geiriau eich hun gan roi enghreifftiau os oes angen. (interpret)
- Diffiniwch** - mae angen i chi roi'r ystyr a rhoi enghreifftiau os gallwch. (define)
- Disgrifiwch** - mae angen i chi roi llun mewn geiriau. (describe)
- Dychmygwch** - mae angen i chi gymryd arnoch; greu yn eich meddwl. (imagine)
- Dyfynnwch** - mae angen i chi ddefnyddio geiriau pobl eraill - gall fod yn ddarn o farddoniaeth neu ryddiaith. (quote)
- Dylunio** - cynllunio, llunio, paratoi patrwm. (design)
- Dyluniwch** - mae angen i chi gynllunio, llunio, paratoi patrwm. (design)

E

- Eglurwch** - mae angen i chi wneud rhywbeth yn hawdd i'w ddeall ac yn glir (explain)
- Ehangwch** - mae angen i chi wneud rhywbeth yn fwy neu egluro rhywbeth yn fanylach. (expand)
- Esboniwch** - mae angen i chi egluro rhywbeth yn eich geiriau eich hun. (explain)

FF

Ffactoriwch - e.e. $(a^2 + 3a + 2) = (a + 1)(a + 2)$ (factorise)

Ffurfir - dod o 'ffurfio' - gwneud, llunio.

G

Gellir - dod o 'gallu' - yn gallu.

Gosodwyd - dod o 'gosod' - wedi'i (g)osod.

Gwanahiaethwch - mae angen i chi ddangos y gwahaniaeth. (differentiate)

Gwerthuswch - mae angen i chi ddweud eich barn am bwnn gan roi'r pwyntiau da a drwg. (evaluate)

Gwiriwch - mae angen gwneud yn siŵr bod eich ateb yn gywir. (check)

L

Labelwch - mae angen i chi roi geiriau ar eich gwaith i nodi beth ydy'r gwahanol rannau/ elfennau. (label)

Labelwyd - dod o 'label' - wedi rhoi label.

LL

Lluniadwch - mae angen i chi dynnu llun efo inc, sialc neu bensil. (draw)

Lluniwch - mae angen i chi wneud neu greu rhywbeth. (construct, fashion, draw)

M

Mantais - rhywbeth sydd o les, o gymorth neu o fudd. (advantage)

Mynegwch - mae angen i chi ddweud / ysgrifennu rhywbeth mewn ffordd wahanol. (express)

Manylwch - mae angen i chi ysgrifennu'n fanwl. (detail, elaborate)

N

Nodwch - mae angen i chi ddweud y prif bwyntiau / ffeithiau yn syml a chlr. (note)

P

Perfformir - dod o 'perfformio' - cael ei b(ph)erfformio.

Plannwyd - dod o 'plannu' - wedi cael i b(ph)lannu.

Profwyd - dod o 'profi' - wedi ei ddangos i fod yn wir.

RH

Rhestrwch - mae angen i chi wneud rhestr o bethau. (list)

Rhifwch - mae angen i chi roi rhifau. (number)

Rhoddir - dod o 'rhoi' - yn rhoi.

Rhoddwyd - dod o 'rhoi' - wedi rhoi.

S

Symleiddiwch - mae angen i chi wneud rhywbeth yn fwy syml. (simplify)

T

Talgrynnwch - e.e. mae £3.99 yn ddigon agos i £4 (round off)

Tanlinellwch - mae angen i chi roi llinell o dan lun neu air neu frawddeg.
(underline)

Trafodwch - mae angen i chi drafod rhywbeth yn fanwl a gweld 2 ochr y ddadl / y pwynt lle bo hynny'n bosibl. (discuss)

Tystiolaeth - ffaith / barn/ dyfyniad sy'n mynd i gefnogi eich pwynt.
(evidence)

Y

Ychwanegol - mwy. (additional)

Ychwanegwch - mae angen i chi ddweud mwy neu mae angen i chi roi rhywbeth ychwanegol ar lun. (add)

Y frawddeg ganlynol - y frawddeg nesaf. (the following sentence)

Ystyriwch - mae angen i chi feddwl dros rywbeth cyn ateb y cwestiwn. (consider)

Ychwanegwch eich termau eich hun i'w cofio:

Nodiadau: